

Daegvang boux vunz neix gaenx-guh, hauqswnh bohme, gyaез yаh gyaез lwg, couh dwg mbouj doeg geijlai saw, mwh gangj vah gyaез daiq coenz “aiq bah meh mwngz” riengzlaeng. De mboujlwnh caeuq byawz gangj vah, mboujlwnh youq gyawz gangj vah, cungj gyaез gangj coenz vah “aiq bah meh mwngz” gonq, lumjnaeuz mbouj gangj coenz vah neix, de couh mbouj rox gangj roengzbae lo.

Gizsaed, youq ndaw mbanj, bouxsai mehmbwk mbangseiz gangj vah hix gyaез daiq coenz vah neix riengzlaeng, coenz vah neix mbangseiz gangj ok bak mbouj itdingh yaek ndaq vunz, cix dwg song vunz gig sug doxdongx. Hoeng, lumj Daegvang yienghneix coenzcoenz vah cungj baenzneix, vunz baenzlawz dingq cungj mbouj swnh rwz.

Bohda Daegvang dwg boux-sonsaw, roengz dangz le gyaез buen aendaengq, naengh youq gyang ding ranz yawj saw, nanz mbouj nanz lij sij saek hot sei, bien faenzcieng fat youq gwnz bauqceij. Ciuqgangj bohda Daegvang cungj vunz neix dwg mbouj nyienh dahlwg haq hawj Daegvang, hoeng euq mbouj gvaq dahlwg, caemhcaiq Daegvang maz cungj ndei, couh dwg bak miz di haeu ndwi, yienghneix de hix couh hai cehda laep cehda, nyaenxnyaenx ndwenngoenz hix couh gvaqbae le geij bi. Caiq gangj yah Daegvang, vih Daegvang bakhaeu gienh saeh neix, mbouj rox ndaq de geijlai mbat gvaq lo, hoeng, Daegvang yienghneix gangj vah gaenq gangj gvenq lo. Yah ndaq mbat ndeu, hainduj de lij geiq ndaej ndei-ndiemndiem, baez nanz de couh rox lumz gij vah yah de daengq lo, youh fukdauq bakhaeu lo.

Youq ndaw mbanj, boux vunz



ndaej 60 bi cungj aeu banh ciengz laeuj hung ndeu daeuj angqhoh. Ngoenzneix, dwg bohda Daegvang ndaej 60 bi ngoenzseng, de cingj le haujlai caencik daeuj ranz gwn laeuj. Daegvang hauqswnh, ngoenz-seng bohda itdingh siuj mbouj ndaej de. Daj ranz Daegvang daengz ranz bohda, gwhi cimohdoz aeu aen cungdaeuз ndeu. Ngoenzneix, Daegvang ranz ngamq angj couh gwhi cimohdoz daiq yah bae ranz bohda lo. Seiz yaek ok ranz, yah de daengq bae daengq dauq, couh dwg lau Daegvang bakhaeu, youq ranz bohda luenh gangj vah saetnaj. Youq ndawranz Daegvang dangyienz han ndaej ndeindiemq, lij heuh yah de cuengqsim. Bae daengz ranz bohda, miz vunz dajcawj, miz vunz hohsauh, haeujhaeu okok, lij miz gyoengq lwgnyez youq gyang ding, lajroq buet bae buet dauq, nauhyied dangqmaz.

Gyoengq vunz hohsauh daeuj gonq cingq buenx bohda Daegvang naengh youq lajroq, baez raen Daegvang daeuj daengz, couh heuh de haeuj daiz. Daegvang hix mbouj guhhek, heuh yah dawz doxgaiq

hohsauh haeuj ranz, swheij riengjret couh naengh haeuj daiz bae lo. Bohda de riunyumnyum naengh youq gizhaenx, hix mbouj gwn laeuj, cij dwg caeuq vunz lai ganggoj. Daegvang caekhaek ngamq naengh onj youq gwnz daengq, couh dawz cenj laeuj baihnaj hwnjdaeuз gingq vunz lai, ndaw bak lij naeuz: “Gyoengq beix-nuengx, ngoenzneix docih sou ndaej daeuj hoh bohda gou ndaej 60 bi, gou gwn cenj laeuj neix gonq, caj yaep ndeu gou caiq baez boux baez boux gingq sou.” Gangj sat gaemz ndeu couh ndoet cenj laeuj caez bae. Bohda Daegvang ne, yawj dwk Daegvang youq gizhaenx doq gangriu doq gwn laeuj, vanzlij mbouj oksing. Daegvang geij cenj laeuj roengz dungx, couh lumz le gij vah yah de daengq, doiq naxgwiz hemq naeuz: “Naxgwiz, aiq bah meh mwngz ha, ngoenzneix gou sim’angq lai lo……”

Baez dingqnyi Daegvang baenz-neix gangj, bohda Daegvang caenh-guenj mbouj gangj maz, hoeng song diuz bwnda duh de gaenq nyaeuq hwnjdaeuз lo. Daegvang ne, cix maz cungj mbouj fatyienh, vanzlij laebdaeb

riuhaha caeuq vunz lai gangj vah, vah de gig mizyinx, couh dwg moix coenz cungj miz vahhaeu riengzlaeng. Gangj dwk riu dwk, daengngoenz doek bya lo, daengz seiz dauqranz lo, mwhneix naj Daegvang gaenq hoengzfwdfwd lo, dan raen de ndwn hwnjdaeuз caeuq bohda, vunz lai faenbiek, yah de hix daj ndawranz byaij okdaeuз ndwn youq baihlaeng caj de. Mwhneix, Bohda doiq Daegvang ngaekngaek gyaеuj, gig caemdingh dwk naeuz: “Vang a, laj daiz miz rim loz ‘aiq bah meh’ ndeu, duh mwngz caez, gaej lumz dawz dauqranz o.” Vunz lai fwd dingqnyi bohda Daegvang gangj coenz vah neix, cungj siengj mbouj doeng de gangj maz, singj gvaqdaeuз le cungj riuhaha hwnjdaeuз. Daegvang ne, naj bienq ndaej hoengzyatyat, coenz vah he cungj gangj mbouj ok. Yah de ne, hix riengzlaeng najmong caez, beng Daegvang couh buetdeuz lo.

Mbatneix liux, Daegvang gangj vah caiq hix mbouj gamj baenzneix lo. Vunz ndaw mbanj cungj haenh bohda Daegvang, vunz doegsaw gvaq couh dwg caeuq vunzwnq mbouj doxdoengz!

Dahsoengqhuq

□ Mwh Sung / 麦嵩


Ngoenzneix, Dahlinh boux ndeu youq ranz, youq douranz youh sou ndaej aen huq ndeu, hoeng mbouj caeuq bingzciengz doxdoengz, dawz gvaq caengz youq gwnz mbawfei rog hab ciem coh, couh gven dou byaij haeuj ndaw ranz bae lo. Boux-soengqhuq haenx lizbae mbouj geij nanz, youh buet doxdauq daeuj. De lumz heuh bouxcawxhuq youq mbawfei ciem coh caiq sik roengz hawj de, mbouj miz mbaw fei haenx baenzlawz cingqmingz bouxcawxhuq gaenq sou ndaej huq ne. De bongx bakdou, sing gig hung. Dahlinh yaek hai ok aen hab yawj gij huq daj gwnz vangj cawx, deng vunz dajduenh, hozndat dwk byaij gvaqdaeuз hai dou, yaek ndaq coenz song coenz, cix dangqnaj baez rongh, yawjraen baihnaj dwg boux dahsau he, cam: “Mwngz miz maz saeh?”

“Doiq mbouj hwnj lo, gou dwg bouxsoenghuq haxbaenh, gou youq mwngz gizneix lumz dawz mbaw fei lo, seizneix mazfanz mwngz ciem coh le dawz mbawfei hawj gou ndaej lwi?”

Sou huq sou ndaej vaiq lai, Dahlinh nunu da, cij yawj cing dwg boux dahsau he. Naj doiq naj, dahsoengqhuq cij nyouq ok heiqlaeuj gwnz ndang Dahlinh. Dahlinh raen gvaq haujlai bouxsoengqhuq, lij dwg baez daih’it raen dahsau guh gij hong neix, youh daj gyaеuj daengz din yawj dahsau neix, de naed hanh hung doek roengz, daenj buhdauq. Dahlinh gig geizheih dwk cam dahsoengqhuq neix: “Mwngz caj yaep ndeu. Mbouj-gvaq, mwngz baenzlawz daeuj guh hong neix ne, gou gaxgonq cungj raen bouxsai guh lai, baeg lwi?”

“Baeg dwg baeg, ndaw rumz daeuj, ndaw fwn bae. Danghnaeuz lij youq lajmbanj, gwndaenj mbouj aeu you, hoeng vunz cungj ngeix yaek gvaq ndaej engq ndei. Couhsuenq youx gou mbouj youq henz ndang lo, gou hix aeu ra hong canh cienz a.” Dah-soengqhuq dangheiq naeuz.

“Mwngz liz youx mwngz bae lo?” “Mbouj! Dwg de vut le gou.” Dahlinh mizyinx lo, gyaep cam: “Baenzlawz lo, dahnuengx? Caeuq dahcej gangjgangj,



Raemx saw faex mwn lumj diegsien.

Dozswh

aiq gou lij ndaej bangbang mwngz.” “Hix mbouj miz maz, gaxgonq, dou doxndei, caez daeuj ndaw singz dajgoeng, doeklaeng miz boux lwgsau lauxbanj yawj hwnj de, de couh mbouj aeu gou lo, bae caeuq dahsau fouqmiz haenx. Seizhaenx hix simnyap gvaq, hoeng vunz mbouj wnggai itcig vih bouxwnq lix, aeu vih bonjfaenh lix, gou couh bae ra faenh hong moq he,

yaek gvaq gij saedceij moq.”

“Dwg ha!” Dahlinh ing dwk douranz, ngaekngaek gyaеuj, han coenz he. Sikhaek dauq ndaw rug ciem coh le sik ok mbaw fei haenx hawj Dahsau, doeklaeng, caiq hai aen hab haenx, dawz ok gij ywdoeg de yaek gaggaj, gveng bae, gag nam: “Gou vihmaz aeu vih bouxsai mbouj caiq gyaез gou haenx bae dai ne!”